

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA TATU

KIKAO CHA HAMSINI NA TATU

29 JUNI, 2016



ORODHA YA SHUGHULI ZA LEO

MKUTANO WA TATU

KIKAO CHA HAMSINI NA TATU – 29 JUNI, 2016

I. MASWALI:

WIZARA YA MAMBO YA NDANI YA NCHI:

**452. MHESHIMIWA STANLAUS SHING'OMA
MABULA (NYAMAGANA):**

Atamuuliza Mheshimiwa Waziri wa Mambo ya Ndani ya Nchi:-

Je, Serikali haioni umuhimu wa kumaliza ujenzi wa nyumba za kambi ya Polisi Mabatini zilizoanza kujengwa tangu mwaka 2012 na sasa zinazidi kuwa magofu ili zisaidie hizo familia chache zipatazo 13.

WIZARA YA ELIMU, SAYANSI, TEKNOLOJIA NA UFUNDI:

**453. MHESHIMIWA LEAH JEREMIAH KOMANYA
(VITI MAALUM):**

Atamuuliza Mheshimiwa Waziri wa Elimu, Sayansi, Teknolojia na Ufundi:- Mkoa wa Simiyu

hauna Chuo cha Ufundi (VETA) na kuna vijana wengi waliohitimu elimu ya Msingi na Sekondari:-

Je, Serikali ina mkakati gani wa kujenga chuo cha Ufundi ili vijana hao waweze kupata elimu ya ufundi na kuweza kujiajiri.

WIZARA YA VIWANDA, BIASHARA NA UWEKEZAJI:

454. MHESHIMIWA MAGDALENA HAMIS SAKAYA (KALIUA):

Atamuuliza Mheshimiwa Waziri wa Viwanda, Biashara na Uwekezaji:- Njia pekee ya kuinua Uchumi wa Taifa linalotegemea Kilimo kwa sehemu kubwa ni pamoja na kuongeza thamani kwenye mazao ya kilimo na mifugo:-

- (a) Serikali ina Mkakati gani wa kujenga Viwanda vya kuchakata mazao ya kilimo na mifugo kwenye Mikoa yote ya kilimo na yenye mifugo mingi Nchini;
- (b) Wafanyabiashara wa mazao ya kilimo na mifugo wanafanya udanganyifu mkubwa wa kujaza magunia lumbesa, kutanua madebe, pia kupima mifugo kwa macho na kwa kupapasa hali inayowaumiza na kuwapa hasara kubwa wakulima; Je, kwa nini Serikali inashindwa kuweka matumizi ya mizani rasmi kwa mazao hapa Nchini .

**455. MHESHIMIWA EMMANUEL ADAMSON
MWAKASAKA (TABORA MJINI):**

Atamuuliza Mheshimiwa Waziri wa Viwanda, Biashara na Uwekezaji:- Kiwanda cha Nyuzi Tabora hakiendelezwi kwa muda mrefu sasa:-

Je, Serikali itasaidia vipi kumwajibisha mwekezaji wa kiwanda hicho kwa kushindwa kukiendeleza.

WIZARA YA MAJI NA UMWAGILIAJI:

**456. MHESHIMIWA GEORGE MALIMA LUBELEJE
(MPWAPWA):**

Atamuuliza Mheshimiwa Waziri wa Maji na Umwagiliaji:- Mji wa Mpwapwa wenye wakazi zaidi ya 41,000 unakabiliwa na tatizo kubwa sana la maji ambapo wananchi wanapata shida kubwa sana kutembea mwendo mrefu zaidi ya kilometa tano kufuata huduma ya maji; na kuna baadhi ya mitambo imeharibika na Mamlaka ya Maji Safi na Salama hawana fedha za kukarabati mitambo hiyo:-

Je, Serikali haioni kwamba ipo haja kubwa ya kusaidia ukarabati wa mitambo hiyo ili wananchi wa Mji wa Mpwapwa na vitongoji vyake waweze kupata huduma ya maji karibu na makazi yao.

WIZARA YA NISHATI NA MADINI:

457. MHESHIMIWA LOLESIA JEREMIA BUKWIMBA (BUSANDA):

Atamuuliza Mheshimiwa Waziri wa Nishati na Madini:-

Je, ni lini Serikali itawapa maeneo ya uchimbaji wachimbaji wadogo wa Kata za Nyarugusu, Nyaruyeye na Kaseme.

WIZARA YA UJENZI, UCHUKUZI NA MAWASILIANO:

458. MHESHIMIWA GIBSON OLE - MEISEYEKI (ARUMERU MAGHARIBI):

Atamuuliza Mheshimiwa Waziri wa Ujenzi, Uchukuzi na Mawasiliano:- Mkoa wa Arusha na Wilaya ya Simanjiro ni maeneo yanayotegemeana sana kiuchumi lakini hayana barabara ya kuwaunganisha kiuchumi:-

Je, ni lini Serikali itayaunganisha maeneo haya ya Arusha, Simanjiro, Naberera, Kibaya – Kongwa kwa barabara ili kuimarisha maendeleo ya kiuchumi katika maeneo hayo.

**459. MHESHIMIWA ANNA RICHARD LUPEMBE
(VITI MAALUM):**

Atamuuliza Mheshimiwa Waziri wa Ujenzi, Uchukuzi na Mawasiliano:-

Je, ni lini Serikali itamalizia ujenzi wa Bandari ya Karema na ina mikakati gani na Bandari hiyo.

**460. MHESHIMIWA JOSEPHAT SINKAMBA
KANDEGE (KALAMBO):**

Atamuuliza Mheshimiwa Waziri wa Ujenzi, Uchukuzi na Mawasiliano:- Ujenzi wa barabara kwa kiwango cha lami kutoka Makao Makuu ya Wilaya ya Kalambo yaliyopo Matai kwenda Kasesya ni ahadi ya muda mrefu ya Serikali na Ilani ya CCM tangu mwaka 2010:-

- (a) Je, Serikali itaanza lini kukamilisha ujenzi wa barabara hii kwa kiwango cha lami;
- (b) Je, ni lini ujenzi wa barabara kwa kiwango cha lami kutoka Sumbawanga hadi Kasanga Port utakamilika.

II. MISWADA YA SHERIA YA SERIKALI:

*(Kusomwa Mara ya Pili, Kamati ya Bunge Zima na
Kusomwa Mara ya Tatu)*

Muswada wa Marekebisho ya Sheria ya Ununuzi wa Umma wa Mwaka 2016 [*The Public Procurement (Amendment) Bill, 2016*].

(Majadiliano yanaendelea)



DODOMA
29 JUNI, 2016

DKT. T. D. KASHILILAH
KATIBU WA BUNGE